

PULLE TAKSE



REPUBLIKA E SHQIPERISE  
DHOMA E NOTEREVE TIRANE  
Nr 2126 Rep.

Tirane me 06.06.2007

V E R T E T I M

*Vërtetoj se fotokopja bashkëngjitur është e njëjtë me origjinalin*

Vendim nr 51 date 09.05.2007 i Autoritetit te Konkurencës .

Dokumenti u paraqit nga Arben Qoku i njojur .

Dokumenti nuk ka fshirje , korrigjime apo veprime te tjera mbi te qe vijnë e ne kundërshtim me ligjin.

Vërtetimi sa me sipër behet konform ligjit nr 7928 date 01.06.1994 “ Për Noterinë ” dhe udhëzimit te Ministrit te Drejtësisë nr 6291 date 17.08.2005 .

Notere

VJOLLCA SKENDO

- Znj. Lindita Milo (Lat) Kryetar
- Zt. Lush Përpali zv/kryetar
- Znj. Servete Gruda Anëtar
- Zt. Koço Broka Anëtar

Në mbledhjen e tij të datës 05.2007, shqyrtoi çështjen me :


Objekt: Njoftimi për përqendrimin e realizuar nëpërmjet shitblerjes të 80% të aksioneve nga BAA tek Intesa Sanpaolo S.p.a.

Baza ligjore: Ligji nr. 9121, datë 28.07.2003 “Për Mbrojtjen e Konkurrencës”, nen 24, shkronja d, nenet 10-12, në veçanti Kreu III “Përqendrimet e Ndërmarrjeve” nenet 53-56, 58, Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqëndrimit dhe mundësinë për njoftim të thjeshtuar” dhe Formulari “Për njoftimin e Përqendrimit”.

Komisioni i Konkurrencës, pas shqyrtimit të njoftimit të përqëndrimit,

V E R E N SE:

1. Intesa Sanpaolo S.p.a, me seli në Torino dhe Milano, Itali, njoftuesi/blerësi i pjesës prej 80% të aksioneve të Bankës Amerikane të



Shqipërisë (BAA), është shoqëri anonime, që ushtron veprintari bankare dhe sigurimesh në tregun ndërkombëtar dhe kombëtar.

2. Në tregun kombëtar, kjo shoqëri ushtron veprintari bankare sipas licensës së lëshuar nga Banka e Shqipërisë Nr 1/1996, datë 17.7.1998, nëpërmjet Bankës Italo-Shqiptare (BIA), ku zotëron 76.12% të kapitalit aksioner të barabartë me 118 aksione. Tregu kombëtar gjografik i Bankës Italo Shqiptare Sh.A, përbëhet nga degët në 4 qytete Tiranë, Durrës, Shkodër dhe Vlorë. Indirekt Intesa San Paolo është e pranishme në tregun kombëtar, nëpërmjet Credit Agricole që zotëron 71.97% të aksioneve në Emporiki Bank dhe në degët e saj në Tiranë, Vlorë dhe Sarandë.
3. Fondi Shqiptaro Amerikan i Ndërmarrjeve (AAEF), shitësi, është shoqëri jo fitimprurëse, me seli në New York, SHBA, e themeluar sipas Ligjit të vitit 1989 "Për Mbështetje të Demokracisë së Evropës Lindore", me objekt kryesor nxijen e zhvillimit të sektorit privat shqiptar. AAEF është zotërues i 100% të kapitalit në Bankën Amerikane të Shqipërisë (BAA), me seli në Tiranë, Shqipëri.
4. Në tregun kombëtar, kjo shoqëri ushtron veprintari bankare sipas licensës së lëshuar nga Banka e Shqipërisë, Nr. 11, datë 10.08.1998, nëpërmjet Bankës Amerikane të Shqipërisë dhe degëve të saj në 8 rrethe të vendit, si: Tiranë, Durrës, Vlorë, Elbasan, Fier, Gjirokastër, Korçë dhe Lushnje.
5. Në tregun ndërkombëtar, AAEF ushtron veprintari bankare në Greqi, nëpërmjet Bankës Amerikane të Greqisë.
6. Për vitin 2005, xhiro në tregun ndërkombëtar e:
  - Bankës Intesa Sanpaolo S.p.a është 31.22 miliard Euro/ose rrith 3 871 miliardë lekë<sup>(1)</sup>; dhe
  - Bankës Amerikane të Shqipërisë (Dega Greke) për vitin 2005 është 1, 725.369 milion \$/ose 172.2 miliardë lekë<sup>(2)</sup>
7. Për vitin 2005, xhiro në tregun kombëtar e:
  - Bankës IntesaSanpaolo Spa është 9 milion euro/ 1 miliardë e 117 milion lekë.
  - Bankës Amerikane të Shqipërisë është 21.652.712 \$/ 2 miliardë e 162 milion lekë.
8. Transaksioni i njofuar konsiston në shitblerjen e 80% të aksioneve të pjesës së kapitalit në BAA nga Intesa Sanpaolo S.p.a të barabarta me 12

<sup>1</sup> Sipas kursit zyrtar të Bankës së Shqipërisë për vitin 2005 1 euro=124.19 lek. Burimi: Buletini Zyrtar

<sup>2</sup> Sipas kursit zyrtar të Bankës së Shqipërisë për vitin 2005 1 usd=99.88 lekë



milionë aksione të BAA-së. Në përfundim të këtij transaksi, Intesa Sanpaolo S.p.a do të zoterojë 80% të aksioneve të BAA-së dhe AAEF do të zoterojë 20% të aksioneve mbetëse të kapitalit aksionar të BAA-së.

9. Ndërmarrjet pjesëmarrëse në përqëndrim ushtrojnë veprintari bankare në të njëtin nivel horizontal të tregut të produktit. Pjesa e kombinuar e tregut pas përqendrimit kap 16.64 % të tregut bankar të aseteve, 24.66% të tregut të kredisë, 7.76% të tregut të bonove të thesarit dhe 15.36% të tregut të depozitave.

10. Ky transaksion është një përqendrim që përbush kushtet për të qenë subjekt i shqyrtimit nga Autoriteti i Konkurrencës në përputhje me nenin 12, pika 1 e Ligjit.

#### 11. Tregu përkatës

##### a) **Tregu i produktit:**

IntesaSanpaolo S.p.a është e pranishme në tregun shqiptar që nga viti 2006, sipas licencës nr. I/1196, datë 17.07.1998, për ushtrim veprintarie në fushën bankare, konkretisht:

1. Pranimi i depozitave bankare (në formën e depozitave pa afat, me afat ose formave të tjera të depozitave), për të cilat paguan ose jo interes;
2. Dhënie kredish, duke përfshirë kredi konsumatore dhe hipotekare, faktoringun me ose pa burime ndihme dhe financimin e transaksioneve tregtare;
3. Marrje hua të mjeteve financiare dhe blerje ose shitje për llogari të saj a për llogari të klientëve ( të instrumentave të tregut të parave si çeqet, kambialet dhe certifikatat e depozitave; të letrave me vlerë të borxhit; të kontratave të "së ardhmes" dhe kontratat "e mundësive" që lidhen me letrat me vlerë të borxhit ose normat e interesit; të instrumentave të normës së interesit);
4. Kryerjen e shërbimeve të pagesës;
5. Emetimin dhe administrimin e mjeteve të pagesës, duke përfshirë pagesat me kartë, me çeqet e udhëtarit dhe çeqet e bankierit;
6. Ndërmjetësinë për transaksione monetare, përfshirë valutat;
7. Lisingu finanziar;
8. Kryerja e shërbimeve si agjent finanziar ose këshilltar finanziar (nuk përfshihen shërbimet që përshkruhen në pikën 1 dhe 2),

- b) **Tregu Gjeografik:** Territori i Shqipërisë. Rrjeti aktual i Bankës Italo Shqiptare Sh.A, (Tiranë, Durrës, Shkodër, Vlorë); BAA (Tiranë, Durrës,

Vlorë, Elbasan, Fier, Gjirokastër, Korçë, Lushnje) dhe Emporiki Bank (Tiranë, Vlorë, Sarandë).

c) Vlerësimi i impaktit në konkurrencë

Trânsaksiioni konsiston në përfshimin e drejtpërdrejtë të pronësisë së pjesës të BAA-së në tregun bankar, nëpërmjet procedurës së shitblerjes së aksioneve.

Pas përqendrimit, pozicioni i pjesës së kombinuar të blerësit në tregun e produkteve, konkretisht të aseteve, kredisë, depozitave dhe bonove të thesarit, është respektivisht: 16.64%, 24.66%, 7.76%, 15.36%.

Duke iu referuar indeksit të përqendrimit, mund të themi që pas përqendrimit tregu i aseteve dhe i kredisë është mesatarisht i përqëndruar, ndërsa tregu i bonove të thesarit dhe depozitave është shumë i përqëndruar. Intesa San Paolo S.p.a në krahasim me bankat e tjera mban një pozicion kryesues në tregun e kredive, por duke parë ndarjen e tregut rezulton se ky treg është me shpërndarjen më të madhe mes bankave konkurrente ku konkurenca është tejet e lartë për shkak të zgjerimit të aktivitetit të kredisë gjatë viteve të fundit dhe fushatave të marketingut që kanë ndërmarrë bankat për rritjen e portofolit të kredisë.

Ndërsa në tregun e aseteve, të depozitave dhe bonove të thesarit, është Raiffeisen Bank që kryeson dhe kjo vetëm si rezultat i trashëgimisë të pozicionit dominant në tregun e produktit dhe infrastrukturë nga Banka e Kursimeve.

Nga analiza post-përqendrimit, vërehet se tregu është i hapur për konkurrencë, pa barriera hyrëse dhe karakterizohet nga prania e konkurrentëve të fortë, me pjesë tregu të konsiderueshme dhe konkretisht në tregun e depozitave, bonove të thesarit, kredive etj. Përqendrimi sjell ndryshime në strukturën e tregut bankar, duke e forcuar dhe rritur pozicionin e Intesa Sanpaolo S.p.a jo vetëm në tregun e kombëtar, por edhe në atë ndërkombëtar.

Pavarësisht nga sa sipër, ky përqendrim i parë në këndvështrimin e eficensës së tregut, rrit konkurrueshmërinë në tregun bankar, zgjerimin e tregut të produktit dhe tregut gjeografik duke nxitur futjen e shërbimeve/produkteve të reja dhe numrin e degëve dhe agjencive në nivel kombëtar, rritjen e standardeve të bankingut për shkak të eksperiencës që ka Intesa San Paolo S.p.a në tregun ndërkombëtar, etj.

### **PËR KËTO ARSYE**

Në bazë të nenit 24, shkronja d, dhe nenit 56 pikë 1 të Ligjit nr. 9121, datë 28.07.2003 "Për Mbrojtjen e Konkurrencës"


### **VENDOSI:**

1. Të autorizojë, përqëndrimin e realizuar nëpërmjet blerjes së 80% të aksioneve të Bankës Amerikane të Shqipërisë nga kompania Intesa San Paolo S.p.a, Itali.


2. Ky vendim hyn në fuqi menjëherë.

## KOMISIONI I KONKURRENCËS


Lush Përpali

  
Zv/Kryetar


Servete Gruda

  
Anëtar

Koço Broka

  
Anëtar

Lindita Milo (Lat)



K R Y E T A R